

Headlines

1. प्रधानमंत्री नरेंद्र मोदी होरें अज्ज कारगिल विजय दिवस दी बरेगंड दे मौके पर देसै दे बहादुर जवानें गी चेता कीता, उनें आखेआ जे उंदे बलिदान पर हर भारती गी मान ऐ।
2. आकाशवाणी पर अपने मन की बात कार्यक्रम च प्रधानमंत्री मोदी होरें भारत दे रक्षा खेत्तर ते अंतरिक्ष च नमीं उंचाइयें तगर पजाने च युवा इन्नोवेटर्स ते साइंसदानें दे योगदान दी सराहना कीतीं
3. रक्षा मंत्री राजनाथ सिंह होरें पाकिस्तान दी सख्त नुख्ताचीनी करदे होई आखेआ जे पाकिस्तान कन्नै गल्लबात छड़ी पी.ओ.जे.के पर गै होग।
4. उपराज्यपाल मनोज सिन्हा होरें अनंतनाग च हरवाह उत्सव दरान आध्यात्मिक मूल्लें ते मनुक्खता दी सेवा करने दा आह्वान कीता।
5. ते भारी बरखें करी प्रभावित स्कूलें गी पूरी चाल्ली मरम्मत होने तगर बंद रखेआ जाहग। डिविजनल कमिशनर होरें जम्मू संभाग दे सबनं जिलें च बरखें कारण होए दे नुकसान दा जायजा लैता।

<><><><><><>

PM-MKB

प्रधानमंत्री नरेंद्र मोदी होरें अज्ज कारगिल विजय दिवस दे मौके पर देसै दे बहादुर जवानें गी चेता करदे होई आखेआ जे भारत लगातार नमियां उपलब्धियां हासल करा'रदा ऐ भाएं ओह रक्षा उत्पादन होऐ, उंदा निर्यात होऐ जां फही मित्र मुल्लें कन्नै सियासी सहयोग होऐ। आकाशवाणी पर अपने मन की बात कार्यक्रम च मोदी होरें आखेआ जे अज्ज 26 जुलाई नेही तरीक ऐ जिसी चेता करने लेई कुसलै कलंडर दी लोड़ नेई, सगुआं एह तरीक सबनं दे मनै च कारगिल विजय दिवस रूपै च बसी दी ऐ। मन की बात कार्यक्रम च प्रधानमंत्री मोदी होरें आखेआ जे भारत अपनी तकनीकी क्षमताएं च लगातार सुधार करा'रदा ऐ। उनें हाल च गै आई.एन.एस महेंद्रगिरी गी भारती नौसेना च शामिल कीते जाने बारै गल्ल कीती। प्रधानमंत्री होरें आखेआ जे पिछले ऐतवारें विक्रम-1 दे कामयाब प्रक्षेपण पर हर इक भारती गी बड़ा मान होआ ऐ। मोदी होरें शानदार हुनर, जज्बे ते सब्र दस्सने लेई युवा इन्नोवेटर्स दी बी सराहना कीती। कैच दा रेन अभियान बारै गल्ल करदे होई प्रधानमंत्री होरें दस्सेआ जे 4 जुलाई थमां मुल्ल भरै च एह बशेष अभियान चलाया जा'रदा ऐ। इस बारै बोलदे होई उनें आखेआ

अपने मन की बात कार्यक्रम च प्रधानमंत्री होरें ग्लासगो च किश दिन पैहले शुरू होई दी कामन वेल्थ खेड्डें दा बी जिक्र कीता ते आखेआ जे इनं खेड्डें च हिस्सा लै'रदे खडारियें दा हर इक भारती उत्साह बधा करदा ऐ। उनें आखेआ

प्रधानमंत्री मोदी होरें अज्ज मन की बात च कश्मीरी चटाई वागू दा बी जिक्र कीता ते वोकल फार लोकल गी बढ़ावा देने दी अपील कीती।

<><><><><><>

Rajnath Vijay Diwas

रक्षा मंत्री राजनाथ सिंह होरें आतंकवाद गी अपनी सरकारी नीति दा हिस्सा बनाने लेई पाकिस्तान दी सख्त नुख्ताचीनी कीती ऐ ते आखेआ ऐ जे पाकिस्तान दे नजैज कब्जे आले जम्मू-कश्मीर दे अलावा उस मुल्खै कन्नै कोई गल्लबात नेई होग। अज्ज कारगिल विजय दिवस दी 27मीं बरेगंड दे मौके पर लद्दाख दे द्रास च कारगिल युद्ध स्मारक पर बोलदे होई राजनाथ सिंह होरें कारगिल युद्ध च भारत दी जित्त गी देसै दे ताज पर जड़े दा हीरा करार दित्ता। रक्षा मंत्री होरें आखेआ जे आपरेशन सन्दूर नै इस गल्लै गी साफ दस्सी दित्ता ऐ जे भारत गी आतंकवाद कन्नै धमकाने दी कोश्ट करने आलें दा केहू हशर होग। उनें आखेआ जे पाकिस्तान आसेआ कीते जाने आले कुसै बी भैडे मनसूबे दा भारत इस चाल्ली परता देग जेहदी उन्नै कदें कल्पना बी नेई कीती दी होग। इस मौके पर बोलदे होई रक्षा मंत्री राजनाथ सिंह होरें आखेआ

<><><><><><>

Prog. Announcement

आकाशवाणी दे प्रादेशिक समाचर एकांश जम्मू आसेया “विश्व हेपेटाइटिस दिवस” दे सरबंध्यै च 28 जुलाई गी 35एं मिन्टें दा इक विशेष कार्यक्रम प्रसारित कीता जाग, जेदा विषे होग, “हैपेटाइटिस: आओ एहदे बारै तफसीली कन्नै जानचै।” दिनें 12 बजे प्रसारित होने आहले इस कार्यक्रम च स्टाडे परोहने होगन, सरकारी मेडिकल कालेज जम्मू च पेट दी बमारियें सरबन्धी विशेषज्ञ डा. अंकित महाजन, जेहड़े इस विषे पर अपने माहिराना विचार सांझे करगन। इस कार्यक्रम दी मेजबानी साहड़ी न्यूज एंकर श्रुति खजूरिया आसेया कीती जाग।

<><><><><><>

LG-Harbah Fest.

उपराज्यपाल मनोज सिन्हा होरे ंआखेआ जे इक शांतिपूर्ण ते समृद्ध समाज दे निर्माण लेई अध्यात्मक मूल्लें गी माहनुएं ते संस्थानें दवें दा मार्गदर्शन करना लोडचदा ऐ। उनें आखेआ जे सच्ची भक्ति मानवता दी सेवा, इक दुए दा सम्मान ते निस्वार्थ प्यार च गै झलकदा ऐ। दक्खनी कश्मीर दे अनंतनाग जिले च तीर्थ राज लोकभवन च सलाना हरवाह उत्सव दुरान श्रद्धालुएं गी संबोधित करदे होई एल.जी होरें एहू गल्ल आक्खी। ए.जी होरें माता सिद्ध लक्ष्मी मंदरै च मत्था टेकेआ ते ते हवन च शामिल सबनें लोकें गी मुबारकवाद दित्ती। उपराज्यपाल होरें आखेआ जे हरवाह उत्सव, समर्पण, भक्ति भावना, अधूरी अध्यात्मक अनुभव दा इक अनोखा संगम ऐ। उनें इस तीर्थ स्थल गी भारत दी कदें बी खत्म नेई होने आहली अध्यात्मिक परम्पराएं दा प्रतीक दस्सेआ। उनें आखेआ

<><><><><><>

Damaged

भारी बरखा करी क्षीग्रस्त ते असुरक्षित सबनें स्कूलें गी फौरी तौरा पर बंद करी दित्ता गेआ ऐ ते जदूं तगर जरूरी मरम्मत दे कम्म मुकम्मल नेई होई जंदे, इनेंगी बंद गै रक्खेआ जाहग। आकाशवाणी जम्मू संवाददाता दी रिपोर्ट मूजब जम्मू दे डिविजनल कमिशनर रमेश कुमार होरें सबनें डिप्टी कमिशनरें गी निर्देश जारी कीते जे इस गल्ला गी यकीनी बनाया जे भारी बरखा करी क्षीतग्रस्त होए दे स्कूलें गी लोडचदे मरम्मत कम्म मुकम्मल करने तगर बंद रक्खेआ जा। राई-बाई मैहकमे दे सबनें मुख अधिकारियें गी करसानें दी फसलें गी होए दे नुकसान दा आंकलन करने दे बी निर्देश जारी कीते। एहू निर्देश डिवकाम हुं दी अध्यक्षता च हाल च होई दी भारी बरखा करी होए दे नुकसान दा आंकलन करने लेई आयोजित समीक्षा बैठक दुरान जारी कीते गए।

<><><><><><>

NHW

जम्मू-श्रीनगर राष्ट्रीय जलनली शिडक एन.एच 44 अज्ज यातायात लेई बंद रेआ कीजे बनिहाल दे गांगरू हिस्से च पस्सियां पौने करी क्षतिग्रस्त हिस्से च मरम्मत दा कम्म जारी ऐ। कल संझा ल्हास-पस्सियां पौने करी जलनली शिडक गी यातायात लेई बंद रक्खेआ गेआ ह। शिडक थमां मलबा हटाने दा कम्म जारी ऐ पर इलाके च पस्सियां पौने करी जलनली शिडक गी बंद गै रक्खेआ गेदा ऐ।

<><><><><><>

Weather

मौसम विभाग नै 27 जुलाई यानि कल्लै धोड़ी अह्ने-दुब्बे तौरा पर बदल छाए दे रौहने ते प्रदेश दिएं टामीं-टामीं थाहें पर हल्की बरखा बरने दी पेशनगोई कीती ऐ। एह्दे परैंत 28 थमां 30 जुलाई धोड़ी परतियै बरखा बरने दे इमकान दस्से गे न। विभाग नै अगले 5एं दिनें लेई संवेदनशील थाहें पर चानचक्क हाड़ औने ते ल्हास-पस्सियां पौने दी शेंका जाहिर कीती ऐ। प्रशासन नै लोकें गी सलाह दिती ऐ जे ओह सौहगे-सतर्क रौहने। होर मती जानकारी कन्नै मौसम विभाग दे डरैक्टर मुख्तार अहमद

<><><><><><>